

Ohcejoga gielda Dárkkistanlávdegoddi

Ohcejohka 21.5.2021

Ohcejoga gieldda váldostivrii

Ášši: árvvoštallanmuitalus jagis 2020

Gielddastivrra válljen dárkkistanlávdegotti bargun lea árvvoštallat gieldalága 121 § mielde dan, leatgo doaimmaide ja ekonomiijii guoski mihttomearit, maid gielddastivra lea bidjan, ollašuvvan. Dárkkistanlávdegoddi sáhtta dahkat maiddái dárbbášlaš evttohusaid, mat laktásit gieldda doaimmaide.

1. Doaimmaide ja ekonomiijii guoski mihttomeriid ollašuvvan

Gieldda doaimmamuitalusas čilgejuvvo dárkkilit doaimmain ja ekonomiijas.

Ruhtadoallojagi rehketdoalloloahpahus lea 624.090 € euro badjelbázalaš. Govččakeahtes vuolláibáza ii leat. Gieldda loanat leat lassánan 3858 t€. Konseardnaloanat leat lassánan 3970 t€. Loatnavuođđu lea 10.144 €/ ássi ja konseardnaloanat 11.844 €/ássi.

Vaikke gieldda ruhtadilli lea dál govttolaš buorre, de ekonomiijahuvda ii liikkáge oáččo loažžat. Gieldda loatnavuođđu lea allat.

Stáhtaossodagat lassánedje 446.794 euro ja vearroboadut lassánedje 234.558 euro ovddit jagi ektui. Stáhtaossodagat váilot rehketdoalloloahpahusas 160.608 euro danin, go rehketdoalu gárttai giddet vuogádatlonuhemiid geažil nu árrat, ahte diehtu loahpalaš stáhtaossodagain ii lean vel boahtán.

Bušeahhtaárvalusas leat hálddahusgottiid miel meroštallojuvvon boadussuorggit, maid bušeahhtaárvalus lea váldostivrra ektui čadni boaduid ja manuid erohusa nuppiin sániin doaimmangovčču oasil. Bušeahhtaárvalusas eai lean mearkkašahhti badjelmannamat.

Dárkkistanlávdegoddi lea fuolas Ohcejoga gieldda oppalašekonomiija plánemis ja hálddašeamis. Dárkkistanlávdegoddi evttoha ekonomiija-/hálddahushoavdda virggi vuodđudeami, vai hálddahusgottiid ruhtageavaheapmi šaddá čielgasabbon ja háhkanmáhttu nanosmuvvá.

Gieldarájaid rastá olli oktasašbarggu lea dárbu lasihit lagašgielddaide ja joatkit riikka rájá rastá olli oktasašbargovugiid ovddideami sihke oazžut soahpamušvuodu ala. Das galgá maiddái addit doarvái informašuvnna luohttámušolbmuide ja gieldda ássiide.

Lávdegoddi atná deatalažžan turismma ovddideamis maid dálveáiggi prográmmabálvalusfitnodatdoaimma doarjuma.

Giella galgá ain bidjat resurssaid luondduealáhusaid (boazodoallu ja dasa laktáseaddji turisma) guovloekonomalaš váikkuhusa čielggadeapmái.

2. Giellakonserdnii gulli servošiid doaibmama árvvoštallan

Ringinvatro dárbbáša iežas giddodatvástideaddji. Giddodatvástideaddji bargguide gullá maid fuolahit almmolaš olgolihkadanbáikkiin.

Dárkkistanlávdegoddi atná deatalažžan, ahte sadjefitnodatládusmálle joatkka álgá čakčat 2021 ođđasit ja dolvojuvvo lohppii jagi loahpa rádjai.

3. Eará fuomášumit gielddas ja dan hálddahas

Sámi giellalága ollašuvvama galgá buoridit sihkkarastimiin jorgalandoaimmahaga resurssaid reahkkáma ja deattuhemiin virgehálddašeadjiide giellalága ollašuhttima. Giella galgá dan lassin atnit fuola das, ahte sámegiela giellabálvalusat seilot Ohcejoga gielddas. Lávdegoddi atná deatalažžan, ahte easkka ovdanbukton giellaguovddášprojeakta dahjege ”giellagárdi” oččošii jierpmálaš ruhtadeami.

Dárkkistanlávdegoddi atná deatalažžan, ahte luohtámušolbmuid ja hálddahusgottiid hoavddaid rolat bisošedje luhtolažžan ja buorin. Eastaga almmuheapmi čoahkkimii oassálastimis lea luohtámušolbmo geatnegasvuolta.

Dárkkistanlávdegoddi lea fuolas lassáneaddji bargobárteloguinn sihke eará virgelohpe/bargoluopmogaskavuodas.

4. Čoahkkáigeassu

Dárkkistanlávdegotti mielde dárbbášlaš bálvalusaid lea sáhtán addit.

Dárkkistanlávdegoddi muittuha, ahte šielbmáárvvu badjel manni háhkamiin galgá čuovvut háhkanlága.

Oktasašbarggu sierra beliiguin (ovdamearkka dihtii ovtastusat, searvvit) galgá lasihit.

Dárkkistanlávdegoddi atná mieđis áššin, ahte gieldda ruđalaš dilli lea buoret go ovddalgihtii jurddašuvvui. Hálddahusgottit sáhtášedje gaskaneaset smiehttat áššiid, mat lasihit gieldda geasuhan- ja giktalannávccaid sihkkarastin dihtii bargofámu oažžuma.

Ismo Manninen
ságadoalli

Antti Katekeetta
várreságadoalli

Maija Länsman
lahttu

